



Broj: 05-14-2-660-2/23
Maglaj, 02.11.2023. godine

OPĆINA MAGLAJ
OPĆINSKO VIJEĆE

PREDMET: Prijedlog Odluke o izmjenama i dopuni Odluke davanju saglasnosti za pokretanje postupka za dodjelu koncesionog prostora za istraživanje i eksploataciju mineralnog resursa lertzolita na ležištu "Klanci" K.O. Strupina, Općina Maglaj

U prilogu akta dostavljamo Prijedlog Odluke o izmjenama i dopuni Odluke davanju saglasnosti za pokretanje postupka za dodjelu koncesionog prostora za istraživanje i eksploataciju mineralnog resursa lertzolita na ležištu "Klanci" K.O. Strupina, Općina Maglaj, Općinskom vijeću Maglaj na razmatranje i usvajanje.

Uz Prijedlog Odluke dostavljamo:

- Odluku o davanju saglasnosti za pokretanje postupka za dodjelu koncesionog prostora za istraživanje i eksploataciju mineralnog resursa lertzolita na ležištu "Klanci" K.O. Strupina, Općina Maglaj objavljenu u "Službenim novinama Općine Maglaj", broj: 10/23,
- Fotokopiju Zapisnika Komisije za procjenu javnog interesa za dodjelu koncesije za istraživanje i eksploataciju mineralnog resursa lertzolita na ležištu "Klanci" K.O. Strupina, Općina Maglaj.

DOSTAVLJENO:

1. Naslovu
2. Općinski načelnik
3. a/a



OPĆINSKI NAČELNIK

Mirsad Mahmutagić

Broj:
Datum

Na osnovu člana 5. Zakona o koncesijama ("Službene novine Federacije Bosne i Hercegovine", broj:40/02) i člana 1. Zakona o dopunama Zakona o koncesijama ("Službene novine Federacije Bosne i Hercegovine", broj:61/06), člana 8. i 56. Zakona o principima lokalne samouprave ("Službene novine Federacije Bosne i Hercegovine", broj: 49/06), člana 18. Statuta Općine Maglaj - prečišćeni tekst ("Službene novine Općine Maglaj", br. 08/07, 03/08 i 06/08) Općinsko vijeće Maglaj, na _____ sjednici, održanoj dana _____ godine, donosi

ODLUKU

o izmjenama i dopuni Odluke davanju saglasnosti za pokretanje postupka za dodjelu koncesionog prostora za istraživanje i eksploataciju mineralnog resursa lertzolita na ležištu "Klanci" K.O. Strupina, Općina Maglaj

Član 1.

U Odluci o davanju saglasnosti za pokretanje postupka za dodjelu koncesionog prostora za istraživanje i eksploataciju mineralnog resursa lertzolita na ležištu "Klanci" K.O. Strupina, Općina Maglaj ("Službene novine Općine Maglaj", broj: 10/23) član 2. mijenja se i glasi:

„Koncesioni prostor istražno eksploatacionog polja iz člana 1. ove Odluke obuhvata prostor od 11,78 ha i nalazi se u obuhvatu Prostornog plana Opštine Maglaj („Službeni glasnik Opštine Maglaj“ br. 2/90 i 1/13). Prostornim planom Opštine Maglaj navedeno područje nije označeno kao rudarski prostor, isto se nalazi iza urbanog područja Strupina te na istom nije određena neka druga namjena ovog prostora i sa aspekta planske dokumentacije Općine Maglaj nema smetnje da se ovo područje odredi kao koncesioni prostor za istraživanje i eksploataciju mineralnog resursa lertzolita, a koji će se definisati kao prostor za eksploataciju mineralnih resursa u novom prostornom planu Općine Maglaj koji je u izradi. Prema podacima iz katastra zemljišta i zemljišne knjige koncesioni prostor istražno eksploatacionog polja obuhvata dio nekretnine označene sa:

- k.č. broj 9/1 „Bijeli Klanci“ šuma 4. i 6. klase ukupne površine 3036280 m², upisana u pl. broj 26 k.o. Strupina, posjednik Tvornica Natron sa 1/1, po katastru zemljišta, a prema podacima zemljišne knjige odnosi se na k.č. broj 9/1 u istoj površini upisana u zk. uložak broj 27 k.o. Strupina, Državna svojina sa 1/1, Organ upravljanja Zeničko-dobojski kanton - Kantonalna uprava za šumarstvo.“

Član 2.

U članu 3. riječi „daje se na period od tri (3) godine“ mijenjaju se i glase „daje se na period od _____“ iza kojih stavlja se tačka, a zarez i preostali dio teksta briše se.

Član 3.

Iza člana 8. dodaje se novi član 8a. koji glasi:

„ Član 8a.

Obaveze koncesionara iz čl. 6., 7. i 8. ove Odluke regulisat će se sporazumom između Općine Maglaj i budućeg koncesionara, a koji će se zaključiti nakon donošenja odluke o izboru koncesionara a prije zaključivanja koncesionog ugovora.“

Član. 4.

Član 11. briše se.

Član 5.

Ova Odluka stupa na snagu osmog dana od dana objave u “Službenim novinama Općine Maglaj”.

PREDSJEDAVAJUĆA

Aida Bašić

O b r a z l o ž e n j e

Općinsko vijeće Maglaj na svojoj 30. redovnoj sjednici, na osnovu člana 5. Zakona o koncesijama ("Službene novine Federacije BiH", broj: 40/02) i člana 1. Zakona o dopunama Zakona o koncesijama ("Službene novine Federacije BiH", broj: 61/06), člana 8. i 56. Zakona o principima lokalne samouprave ("Službene novine Federacije BiH", broj: 49/06), člana 18. Statuta Općine Maglaj-prečišćen tekst ("Službene novine Općine Maglaj", br. 08/07, 03/08 i 06/08) i Zahtjeva Ministarstva za privredu-gospodarstvo Zeničko-dobojskog kantona, broj:04-14-2824-1/23 od 10.04.2023. godine, donijelo je Odluku o davanju saglasnosti za pokretanje postupka za dodjelu koncesionog prostora za istraživanje i eksploataciju mineralnog resursa lersolita na ležištu "Klanci" K.O. Strupina, Općina Maglaj, broj:02-04-1-1449/23 od 07.09.2023. godine, koja je objavljena u "Službenim novinama Općine Maglaj", broj: 10/23, te istu dostavilo Ministarstvu za privredu - gospodarstvo Zeničko-dobojskog kantona.

U daljoj proceduri ministar Ministarstva za privredu - gospodarstvo Zeničko-dobojskog kantona je Rješenjem broj: 04-14-2824-3/23 od 28.09.2023. godine imenovao je Komisiju za procjenu javnog interesa za dodjelu koncesije za istraživanje i eksploataciju mineralnog resursa lersolita na ležištu "Klanci" K.O. Strupina, Općina Maglaj.

Shodno Zaključku Komisije za procjenu javnog interesa za dodjelu koncesije za istraživanje i eksploataciju mineralnog resursa lersolita na ležištu "Klanci" K.O. Strupina, Općina Maglaj, Ministarstva za privredu Zeničko-dobojskog kantona, unesenom u Zapisnik Komisije broj:04-14-2824-4/23 od 19.10.2023. godine, potrebno je u smislu istog izmjeniti i dopuniti Odluku davanju saglasnosti za pokretanje postupka za dodjelu koncesionog prostora za istraživanje i eksploataciju mineralnog resursa lersolita na ležištu "Klanci" K.O. Strupina, Općina Maglaj ("Službene novine Općine Maglaj", broj: 10/23).

Obrađivač:

Služba za urbanizam, geodetske i imovinsko pravne poslove
Nedžad Čatić, pomoćnik općinskog načelnika po ovlaštenju



PREDLAGAČ
OPĆINSKI NAČELNIK

Mirsad Mahmutagić

AKTI OPĆINSKOG VIJEĆA

427.

Na osnovu člana 18. Statuta Općine Maglaj – prečišćen tekst („Službene novine Općine Maglaj“, br. 08/07, 03/08/ i 06/08) i člana 144. i 152. Poslovnika o radu Općinskog vijeća Maglaj-prečišćen tekst („Službene novine Općine Maglaj“, br. 2/9, 1/13 i 2/13), Općinsko vijeće Maglaj, na 30. redovnoj sjednici, održanoj 07.09.2023. godine, donosi

RJEŠENJE**o razrješenju dužnosti predsjedavajuće Općinskog vijeća Maglaj****Član 1.**

Svjetlana Zamboni razrješava se dužnosti predsjedavajuće Općinskog vijeća Maglaj.

Član 2.

Imenovana iz člana 1. ovog Rješenja razrješava se dužnosti predsjedavajuće Općinskog vijeća Maglaj zaključno sa 07.09.2023. godine.

Član 3.

Ovo Rješenje stupa na snagu danom donošenja i objavit će se u „Službenim novinama Općine Maglaj“.

Broj: 02-04-1-1448/23
Maglaj, 07.09.2023. godine

DOPREDSJEDAVALA
Aida Bašić s.r.

428.

Na osnovu člana 5. Zakona o koncesijama („Službene novine Federacije BiH“, broj: 40/02) i člana 1. Zakona o dopunama Zakona o koncesijama („Službene novine Federacije BiH“, broj: 61/06), člana 8. i 56. Zakona o principima lokalne samouprave („Službene novine Federacije BiH“, broj: 49/06), člana 18. Statuta Općine Maglaj-prečišćen tekst („Službene novine Općine Maglaj“, br. 08/07, 03/08 i 06/08) i Zahtjeva Ministarstva za privredu-gospodarstvo Zeničko-dobojskog kantona, broj:04-14-2824-1/23 od 10.04.2023. godine, Općinsko vijeće Maglaj, na 30. redovnoj sjednici, održanoj 07.09.2023. godine, donosi

ODLUKU**o davanju saglasnosti za pokretanje postupka za dodjelu koncesionog prostora****za istraživanje i eksploataciju mineralnog resursa lertzolita na ležištu “Klanci” K.O. Strupina, Općina Maglaj****Član 1.**

Daje se daglasnost za pokretanje procedure za dodjelu koncesionog prostora za istraživanje i eksploataciju mineralnog resursa lertzolita na ležištu “Klanci” K.O. Strupina, Općina Maglaj na prostoru koji je definisan prelomnim tačkama i koordinatama u zahtjevu Ministarstva za privredu/gospodarstvo Zeničko-dobojskog kantona, broj: 04-14-2824-1/23 od 10.04.2023. godine.

KOORDINATE ZAHTJEVANOG PROSTORA		
	Y	X
A	6502118,953	4933031,953
B	6502351,185	4933185,653
C	6502427,807	4933075,204
D	6502632,099	4933034,842
E	6502456,262	4932689,089

Član 2.

Koncesioni prostor istražno eksploatacionog polja iz člana 1. obuhvata prostor od 11,78 ha i nalazi se u obuhvatu Prostornog plana Opštine Maglaj („Službeni glasnik Opštine Maglaj broj: 2/90 i 1/13), a prema podacima iz Katastra zemljišta obuhvata dio nekretnine označene sa:

- k.č. broj: 9/1 BIJELI KLANCI Šuma 4 i 6 klase ukupne površine 3036280 m², upisane u pl. broj 26 K.O. Strupina, posjednik TVORNICA NATRON sa dijelom 1/1, a prema podacima Zemljišno knjižnog ureda odnosi se na k.č. broj: 9/1 u istoj površini upisana u zk.uložak broj 27 K.O. Strupina, Državna svojina 1/1, Organ upravljanja Zeničko-dobojski kanton –Kantonalna uprava za šumarstvo.

Član 3.

Saglasnost na pokretanje postupka za dodjelu koncesionog prostora za istraživanje i eksploataciju mineralnog resursa lertzolita na ležištu “Klanci” daje se na period od tri (3) godine, odnosno dok traju radovi na izgradnji Koridora V C, na dionici Medakovo – Ozimice.

Član 4.

Prilikom provođenja procedure dodjele koncesije, zaključivanja Ugovora o koncesiji te adekvatnim nadzorom, potrebno je ispoštovati odredbe Zakona o koncesijama Federacije BIH i Zakona o dopunama Zakona o koncesijama Federacije BIH („Službene novine Federacije BiH br. 40/02 i 61/06), Zakona o

koncesijama Zeničko-dobojskog kantona („Službene novine Zeničko-dobojskog kantona“ broj: 05/03) i Odluke o načinu raspodjele i korištenja finansijskih sredstava prikupljenih po osnovu kontinuirane i jednokratne naknade od koncesije, Vlade Zeničko-dobojskog kantona („Službene novine Zeničko-dobojskog kantona“ br. 1/13 i 11/22).

Član 5.

Koncesionar je dužan da kao izvođač istražno-eksploatacionih radova, spriječi nastanak štetnih posljedica po druge subjekte i okoliš, te da izvršava obaveze naknade svih troškova za otklanjanje šteta nastalih kao posljedica istražno-eksploatacionih radova.

Član 6.

Koncesionar ima obavezu da poduzme mjere i aktivnosti na sanaciji klizišta u naseljenim mjestima Radojčići, Galovac i Strupina, a ukoliko se utvrdi da su ista izazvana promjenama u prostoru usljed aktivnosti i izvođenja istražno-eksploatacionih radova od strane koncesionara.

Član 7.

Vršenjem koncesione djelatnosti, koncesionar ne smije ugroziti postojeća izvorišta vode za piće, vodoprivredne objekte za snabdijevanje naselja vodom i vodotoke kao putne komunikacije koje koristi u toku istražnih radova i eksploatacionog perioda I isti je dužan sanirati odnosno nadoknaditi bilo kakvu štetu koju načini na istim.

Član 8.

Koncesionar se obavezuje da poduzme posebne mjere dobijanja saglasnosti i potpisivanja ugovora sa ovlaštenim operaterom u vezi sa odlaganjem otpada i sekundarnih sirovina nastalih kao product aktivnosti koncesionara i istražno-eksploatacionih radova.

Član 9.

Sredstva jednokratno utvrđene i kontinuirane koncesione naknade, pribavljene nakon potpisivanja ugovora o koncesiji, biće korištena za realizaciju infrastrukturnih i okolišnih projekata u skladu sa godišnjim Programom utroška sredstava od koncesionih naknada prema kriterijima i prioritetima koje utvrdi Općinsko vijeće Maglaj, a koja se prvenstveno odnose na naseljena mjesta u MZ Radojčići, te naseljeno mjesto Tujnica (MZ Liješnica i MZ Novi Šeher).

Izveštaj o utrošku ovih sredstava Općinsko vijeće Maglaj će razmatrati najmanje jednom godišnje na svojim sjednicama.

Član 10.

Koncesionar ima obavezu pribavljanja svih potrebnih saglasnosti i dozvola nakon potpisivanja koncesionog ugovora.

Član 11.

Ukoliko nadležni organi uprave utvrde da se koncesionar ne pridržava odredbi ove Odluke, Općinsko vijeće Maglaj će u saradnji sa Općinskim pravobraniocem pokrenuti postupak stavljanja van snage ovu Odluku.

Član 12.

Ova Odluka stupa na snagu osmog dana od dana objave u “Službenim novinama Općine Maglaj”.

Broj: 02-04-1-1449/23

Maglaj: 07.09.2023. godine

DOPREDSJEDAVALAČA
Aida Bašić s.r.

429.

NACRT

Na osnovu člana 42, 45, 46, 47, 48. i 50. Zakona o prostornom uređenju i građenju Zeničko-dobojskog kantona („Službene novine Zeničko-dobojskog kantona“, br. 01/14 i 4/16) i člana 18. Statuta Općine Maglaj – prečišćen tekst („Službene novine Općine Maglaj“, br. 8/07, 3/08 i 6/08), Općinsko vijeće Maglaj na 30. redovnoj sjednici, održanoj 07.09.2023. godine, donosi

ODLUKU

o usvajanju Nacrta djelimične izmjene Regulacionog plana „NOVI ŠEHER”

Član 1.

(Vrsta dokumenta)

Ovom Odlukom usvaja se Nacrt djelimične izmjene Regulacionog plana „NOVI ŠEHER” („Službene novine Općine Maglaj“, broj: 07/09).
Zahtjev Pervan Zoran iz Novog Šehera

Član 2.

(Granice područja za koje se dokument mijenja)

Djelimična Izmjena Regulacionog plana obuhvata područje Regulacionog plana „NOVI ŠEHER“ Općina Maglaj, zemljište označeno sa k.č. br. 1015/17 površine 784 m² i 1015/3 površine 2394 m² upisane u pl. br. 960 k.o. Novi Šeher, posjednik Pervan Marka Zoran sa dijelom 1/1.

Djelimičnom izmjenom Regulacionog plana, po zahtjevu Pervan Zorana iz Novog Šehera, bi se u

ZENIČKO-DOBOJSKI KANTON
Ministarstvo za privredu

KOMISIJA ZA PROCJENU
JAVNOG INTERESA ZA DODJELU KONCESIJE ZA ISTRAŽIVANJE
I EKSPLOATACIJU MINERALNOG RESURSA LERZOLITA
NA LEŽIŠTU „KLANCI“, KO STRUPINA, OPĆINA MAGALAJ

Broj: 04-14-2824-4/23
Zenica, 19.10.2023. godine

PREDMET: ZAPISNIK KOMISIJE

Na osnovu Zahtjeva privrednog društva „TIM GROUP“ d.o.o. Žepče za dodjelu koncesije za istraživanje i eksploataciju mineralnog resursa lezolitita na ležištu „Klanci“, K.O. Strupina, Općina Maglaj, broj: 04-14-2824/23 od 22.03.2023. godine, shodno članu 8. Zakona o koncesijama-Prečišćeni tekst (“Službene novine Zeničko-dobojskog kantona”, broj: 5/03), ministar Ministarstva za privredu Zeničko-dobojskog kantona je Rješenjem, broj: 04-14-2824-3/23 od 28.09.2023. godine, imenovao Komisiju za procjenu javnog interesa za dodjelu koncesije za istraživanje i eksploataciju mineralnog resursa lezolitita na ležištu „Klanci“, K.O. Strupina, Općina Maglaj (u daljem tekstu: Komisija), u sastavu:

- | | |
|---|---------------|
| 1. Vanja Udiljak, dipl.pravnik (uposlenica Ministarstva za privredu) | predsjednica, |
| 2. Selima Bašić, dipl.ing.maš. (uposlenica Ministarstva za privredu) | članica, |
| 3. Kemal Bjelić, dipl.ing.geol. (uposlenik Ministarstva za privredu) | član, |
| 4. Aida Sumbuljević, dipl.ing.arh. (uposlenica Ministarstva za prostorno uređenje, promet i komunikacije i zaštitu okoliša) | članica |
| 5. Munir Dedić, dipl.ing.građ. (uposlenik Ministarstva za poljoprivredu, vodoprivredu i šumarstvo) | član |
| 6. Nedžad Čatić, dipl.ing.geod. (uposlenik Općine Maglaj) | član. |

Zadatak Komisije je da u skladu sa članovima 6., 7. i 8. Zakona o koncesijama-Prečišćeni tekst (“Službene novine Zeničko-dobojskog kantona”, broj: 5/03) i drugim propisima utvrdi postojanje javnog interesa za dodjelu koncesije za istraživanje i eksploataciju mineralnog resursa lezolitita na ležištu „Klanci“, KO Strupina, Općina Maglaj u roku od 30 dana od dana prijema Rješenja.

Komisija je održala prvi sastanak dana 19.10.2023. godine, u 16.01. sati, u prostorijama Ministarstva za privredu.

Nakon što je pregledala dokumentaciju Komisija je ustanovila slijedeće:

Privredno društvo „TIM GROUP“ d.o.o. Žepče (u daljem tekstu: Investitor) podnijelo je Ministarstvu za privredu Zeničko-dobojskog kantona (u daljem tekstu: Ministarstvo) Zahtjev za dodjelu koncesije za istraživanje i eksploataciju mineralnog resursa lezolitita na ležištu „Klanci“

KO Strupina, Općina Maglaj, broj: 04-14-2824/23 od 22.03.2023. godine. U Studiji je navedeno da se koncesija traži na period 16 godina, od toga za istraživanje period od 1 godine, a preostali period za eksploataciju.

Ministarstvo je uputilo Općinskom Vijeću Maglaj akt-„Zahtjev za izdavanje saglasnosti Općinskog Vijeća za dodjelu koncesije“, broj: 04-14-2824-1/23 od 10.04.2023. godine i Zahtjev za delegiranje člana Komisije za utvrđivanje javnog interesa za dodjelu koncesije za istraživanje i eksploataciju mineralnog resursa lertzolita na ležištu „Klanci“ KO Strupina, Općina Maglaj“, broj: 04-14-2824-2/23 od 10.04.2023. godine.

Općinsko Vijeće Maglaj donijelo je Odluku o davanju saglasnosti za pokretanje postupka za dodjelu koncesionog prostora za istraživanje i eksploataciju mineralnog resursa lertzolita na ležištu „Klanci“ KO Strupina, Općina Maglaj, broj: 02-04-1-1449/23 od 07.09.2023. godine, a akt je zaprimljen u Ministarstvu u prilogu akta-„Dostava odluke Općinskog vijeća Maglaj o davanju saglasnosti za pokretanje postupka za dodjelu koncesionog prostora za istraživanje i eksploataciju mineralnog resursa lertzolita na ležištu „Klanci“ KO Strupina, Općina Maglaj“, broj: 04-14-2824-1/23 od 13.09.2023. godine.

Komisija je pregledala dokumentaciju koju je dostavio investitor, te ustanovila slijedeće:

- Studija o ekonomskoj opravdanosti dodjele koncesije na istraživanje i eksploataciju mineralnog resursa lertzolita na ležištu „Klanci“ KO Strupina kod Maglaja, mart, 2023. godine, koju je izradilo privredno društvo „Geostil“ d.o.o. BREZA,
- Geodetski elaborat na lokaciji „Klanci“, k.č. 9/1 KO Strupina, Općina Maglaj, mjereno 07.03.2023. godine, koji je izradilo privredno društvo „ZEDIS“ d.o.o. ZENICA.

Lokalitet „Klanci“, KO Strupina, Općina Maglaj definisan je sa pet prelomnih tačaka, kako slijedi:

	Y	X
A	6 502 118,953	4 933 031,953
B	6 502 351,185	4 933 185,653
C	6 502 427,807	4 933 075,204
D	6 502 632,099	4 933 034,842
E	6 502 456,262	4 933 689,089

Ukupna površina traženog koncesionog polja „Klanci“ iznosi 11,78 ha i nalazi se u obuhvatu Prostornog plana Opštine Maglaj („Službeni glasnik Opštine Maglaj“, broj: 2/90 i 1/13), a prema podacima iz Katastra zemljišta obuhvata dio nekretnine označene sa k.č. broj 9/1 BIJELI KLANCI Šuma 4 i 6 klase ukupne površine 3036280 m², upisane u pl. broj 26 K.O. Strupina, državna svojina 1/1, organ upravljanja Zeničko-dobojski kanton-Kantonalna uprava za šumarstvo.

Općinsko vijeće Maglaj, na 30. redovnoj sjednici održanoj 07.09.2023. godine, donijelo je Odluku o davanju saglasnosti za pokretanje postupka za dodjelu koncesionog prostora za istraživanje i eksploataciju mineralnog resursa lertzolita na ležištu „Klanci“ KO Strupina, Općina Maglaj, broj: 02-04-1-1449/23 od 07.09.2023. godine (u daljem tekstu: Odluka), kojom se daje saglasnost za pokretanje procedure za dodjelu koncesionog prostora za istraživanje i eksploataciju mineralnog resursa lertzolita na ležištu „Klanci“, KO Strupina, Općina Maglaj.

U Odluci o davanju saglasnosti je, između ostalog, navedeno i slijedeće:

- koncesioni prostor istražno eksploatacionog polja obuhvata prostor od 11,78 ha i nalazi se u obuhvatu Prostornog plana Opštine Maglaj („Službeni glasnik Opštine Maglaj“, broj: 2/90 i 1/13);
- saglasnost na pokretanje postupka za dodjelu koncesionog prostora za istraživanje i eksploataciju mineralnog resursa lertzolita na lokalitetu „Klanci“ daje se na period od tri (3) godine, odnosno dok traju radovi na izgradnji Koridora V C, na dionici Medakovo-Ozimice;
- koncesionar ima obavezu da poduzme mjere i aktivnosti na sanaciji klizišta u naseljenim mjestima Radojčići, Galovac i Strupina, a ukoliko se utvrdi da su ista izazvana promjenama u prostoru usljed aktivnosti i izvođenja istražno-eksploatacionih radova od strane koncesionara;
- vršenjem koncesione djelatnosti, koncesionar ne smije ugroziti postojeća izvorišta vode za piće, vodoprivredne objekte za snabdjevanje naselja vodom i vodotoke kao putne komunikacije koje koristi u toku istražnih radova i eksploatacionog perioda i isti je dužan sanirati odnosno nadoknaditi bilo kakvu štetu koju načini na istim;
- koncesionar se obavezuje da poduzme posebne mjere dobijanja saglasnosti i potpisivanja ugovora sa ovlaštenim operaterom u vezi sa odlaganjem otpada i sekundarnih sirovina nastalih kao produkt aktivnosti koncesionara i istražno-eksploatacionih radova;
- ukoliko nadležni organi uprave utvrde da se koncesionar ne pridržava odredbi Odluke, Općinsko vijeće Maglaj će u saradnji sa općinskim pravobraniocem pokrenuti postupak stavljanja van snage Odluke.

ZAKLJUČAK

Na osnovu pregleda dostavljene dokumentacije, i imajući u vidu dostavljenu Odluku Općinskog vijeća Maglaj čime se daje saglasnost za pokretanje procedure za dodjelu koncesije za istraživanje i eksploataciju mineralnog resursa lertzolita na ležištu „Klanci“ KO Strupina, Općina Maglaj, čime je na prvom mjestu, i lokalna zajednica iskazala javni interes za ovu investiciju, Komisija smatra da je neophodno prethodno tražiti slijedeće:

- od Općinskog vijeća Maglaj pojašnjenje navoda iz člana 2. Odluke u pogledu toga da li je traženi prostor važećom općinskom i kantonalnom prostorno-planskom dokumentacijom predviđen kao rudarski prostor, naročito zbog činjenice što je Ministarstvo od Općinskog vijeća Maglaj tražilo da u pripremi donošenja saglasnosti općinske službe posebnu pažnju obrate, između ostalog, na činjenicu da li je prostor predviđen kao rudarski prostor;
- od JP „Autoceste FBiH“ Mostar i Federalnog Ministarstva prostornog uređenja da li se traženi koncesioni prostor nalazi unutar granica područja posebnih obilježja od značaja za Federaciju BiH Koridor V c;
- od Općinskog vijeća Maglaj pojašnjenje člana 3. Odluke na način da se precizira period na koji daju saglasnost za istraživanje i eksploataciju mineralnog resursa lertzolita na ležištu „Klanci“ KO Strupina, Općina Maglaj jer navod:“na period od tri (3) godine, odnosno dok traju radovi na izgradnji Koridora V C, na dionici Medakovo-Ozimice“ nije jasan te nije u skladu sa članom 14. tačka 3. Zakona o koncesijama- Prečišćeni tekst (“Službene novine Zeničko-dobojskog kantona”, broj: 5/03) kojim je propisano da ugovor o koncesiji sadrži uvjete, način i vrijeme korištenja predmeta koncesije kao i sa članom 15. stav 1. Zakona kojim je propisano da se ugovor o koncesiji zaključuje na određeni period koji ne može biti duži od 30 godina, a ako se pojave izuzetne okolnosti koje zahtijevaju ulaganja za koje je potreban duži vremenski period, ugovoreni rok se može produžiti, ali ne može biti

duži od 50 godina. Shodno navedenom, neophodno je da Općinsko vijeće Maglaj utvrdi maksimalan period na koji daje saglasnost u ovom konkretnom postupku dodjele koncesije. Naročito, skrećemo pažnju da je period 3 (tri) godine prekratak za budućeg koncesionara zbog svih neophodnih radnji do trenutka eksploatacije;

- od Općinskog vijeća Maglaj pojašnjenje člana 6. Odluke u kojem je navedeno da koncesionar ima obavezu da poduzme mjere i aktivnosti na sanaciji klizišta u naseljenim mjestima Radojčići, Galovac i Strupina, a ukoliko se utvrdi da su ista izazvana promjenama u prostoru usljed aktivnosti i izvođenja istražno-eksploatacionih radova od strane koncesionara na način da li na predmetnom prostoru postoje klizišta, tko je nadležan za utvrđivanje da su klizišta nastala usljed aktivnosti i izvođenja istražno-eksploatacionih radova od strane koncesionara te predlažemo da se predmetna obaveza koncesionara reguliše sporazumom između Općine i budućeg koncesionara;
- od Općinskog vijeća Maglaj pojašnjenja navoda iz člana 7. Odluke u kojoj je navedeno da koncesionar ne smije ugroziti postojeća izvorišta vode za piće, vodoprivredne objekte za snadbjevanje naselja vodom i vodotoke kao putne komunikacije koje koristi u toku istražnih radova i eksploatacionog perioda na način da li postoje izvorišta, vodoprivredni objekti i vodotokovi, gdje se nalaze te predlažemo i da se ova obaveza koncesionara reguliše sporazumom između Općine i budućeg koncesionara;
- od Općinskog vijeća Maglaj pojašnjenja navoda iz člana 8. Odluke u kojem je navedeno da se Koncesionar obavezuje da poduzme posebne mjere dobijanja saglasnosti i potpisivanja ugovora sa ovlaštenim operatorom u vezi sa odlaganjem otpada i sekundarnih sirovina nastalih kao produkt aktivnosti koncesionara i istražno-eksploatacionih radova na način koje su to posebne mjere, tko je ovlašten operator te predlažemo i da se ova obaveza koncesionara reguliše sporazumom između Općine i budućeg koncesionara;
- od Općinskog vijeća Maglaj tražiti brisanje člana 11. Odluke u kojem je navedeno da ukoliko nadležni organi uprave utvrde da se koncesionar ne pridržava odredbi Odluke, Općinsko vijeće Maglaj će u saradnji sa općinskim pravobraniocem pokrenuti postupak stavljanja van snage Odluke jer se ugovor o koncesiji potpisuje po osnovu Odluke na određeni period, a ugovor o koncesiji se raskida u skladu sa odredbama iz ugovora koji potpisuju koncesionar i Ministarstvo za privredu shodno odredbama Zakona o koncesiji, te je stoga predmetna odredba nesvrshishodna.







SAGLASAN

MINISTAR

SAMIR ŠIBONJIĆ



KOMISIJA:

1. 
Vanja Udiljak, dipl. prav.
2. 
Selima Bašić, dipl. ing. maš.
3. 
Kemal Bjelić, dipl. ing. geol.
4. 
Aida Sumbuljević, dipl. ing. arh.
5. 
Munir Dedić, dipl. ing. građ.
6. 
Nedžad Čatić, dipl. ing. geod.

